

最近之暗殺案

宋教仁被刺記

鑄金署

宋教仁被刺記目錄

可駭之暗殺

事前之驚告

到車站時之情形

行凶時之情形

刺客逃走之情形

中槍後之入醫院

入醫院後之宋教仁

槍子取出時之情形

西醫之報告

黃克強之探問

痛苦中不忘國事

看護時之觀察

剖解時情狀

被刺之地點 附圖

宋教仁之家屬

各方面之輿論

法律上之檢查

二十二日午前病狀

彌留時之慘狀

含殮前之攝影

視含者之悲慟

驗傷之報告



3 1798 5951 1

新 2951

各方面之緝捕 附賞格 一二三四五

奇怪之信件

宋先生殯儀之通告

淒風慘雨大殯儀

底湖南會館時之悲風

殯殮時之追述

凶手就縛

英捕房之訊鞫

偵探時之線索

偵探之經過

妓寮之緝護

行凶犯之投網

英總巡之協緝

應夔雖之歷史

武士英之歷史

凶犯家查抄

宋先生哀辭

西儒哀悼宋先生

西報評宋先生之被刺

哀電彙錄

式集續出

宋教仁先生




最近時之攝影



宋先生傷痕攝影



宋 先 生 傷 痕 影



宋 先 生 去 後 世 之 攝 影

宋先生去世後之攝影





宋先生靈輓抵南湖會館之時攝影

宋教仁被刺記

◎可駭之暗殺

三月二十一晚十時四十五分滬甯鐵路車站忽發現一可駭之暗殺案。宋先生定於十一時乘特別快車赴甯轉附津浦車北上而忽有刺客於此時狙擊宋先生也。



◎事前之警告

數日以前本埠即傳說有人來滬謀刺宋先生。宋先生亦親聞此說並得友人警告書多通謂宋前至寧時即有人潛隨其後意欲行刺。因勸宋先生戒備而宋先生夷然處之。曾親告記者謂光天化日之政客競爭豈容有此種卑劣殘忍之手段。吾意異黨及官僚中人未必有此此特謠言耳。且即使非謠吾豈以此懈吾責任心哉。云云。記者聞此方深服宋先生之淵量而不意暗殺之事居然實現。甚矣（秘密談話）之衣鉢其流毒之深且鉅也。

◎到車站時之情形

宋先生以十時許到車站即偕同行者及送行諸公在議員接待室小憩至十時四十分頃由吳仲華君引導與拓魯生黃克強陳勤宣廖仲凱諸君（以上係按行次前後叙列宋先生則在陳廖二君之間）向車站出口處進行甫至剪票處之旁槍聲即起。

◎行兇時之情形

予君行時並招呼友人亟捕兇手而兇手已不知去向當行刺時共聞槍聲三響第一響聲最低蓋即擊中宋先生之腰部者後二響未中有人謂目見該兇手發第一槍後即匍匐於地以槍左右連放兩響其意殆以嚇止追捕之人而是時車站警察不知所司何事送行諸公則急欲護持宋先生未及他顧竟任此兇手揚長而去可恨也該兇手身材短小着黑色軍衣惟記者所訪問諸人皆未覩其面貌如昨晚在車站目擊此事之人能以所見兇手面目報告於警署則亦地方公安之幸也

◎刺客逃走時之情形

宋先生被刺後即退立鐵柵旁告同行者曰（吾中槍矣）其聲甚低此時當已極痛苦一時同行者皆集扶先生而刺客即於此時逃逸據車站西憲言當時聞槍聲即追出似見一人在地上抓起望外狂奔自裏月台至站門中間連跌二次隨跌隨起隨奔竟至逸去其時並無一巡警在旁方驚訝時回視水菓攤旁之兩人亦已杳無蹤影云云平時夜車開必有巡警在站梭巡而前夜出事之時竟不見一巡警斯亦大可研究者也

◎中槍後之入醫院

時于右任君在議員接待室方與數友人敘話因宋黃諸君外出于君以爲二君已上火車即趕至月台忽聞槍聲知有變異急出視則遇宋黃二先生於剪票處門口宋先生即曰吾中槍矣于君謂此時一方面宜追覓兇手一方面以送入醫院療治爲急因亟借某君汽車親送宋先生至滬甯鐵路醫院

◎入醫院後之宋教仁

于右任君送宋先生至醫院時，以醫生未在院，暫在別室小憩。宋先生痛極，撫于君之首，至其胸際而言曰：吾痛甚，殆將不起。今以三事奉告：（一）所有在南京、北京及東京寄存之書籍，悉捐入南京圖書館；（二）我本寒家，老母尚在，如我死後，請克強與公及諸故人爲我照料；（三）諸公皆當勉力進行，勿以我爲念，而放棄責任。我爲調和南北事，費盡心力，造謠者及一班人民，不知原委，每多誤解，我受痛苦，也是應當死，亦何悔餘。無他語，嗚呼痛矣。

◎槍子取出時之情況

宋先生受彈處，在右腰骨稍偏處。及醫生到院後，以手術檢視傷處，而十二時三十分，始取出槍子。子形尖小，似係六寸九響之勃郎寧手槍所用。惟記者非軍事學家，未敢斷定。

◎西醫生之報告

宋先生受彈處流血不多，而痛苦特甚。殆因傷處適近心臟之故。當槍彈取出後，醫生注射止痛藥水，使其安睡。而宋先生猶呼痛不已。呻吟宛轉，目不忍覩。記者曾向該院醫生 Dr. Culpin 氏詢以宋先生性命有礙否。醫生曰：「此時吾實不敢言。必俟四十八小時後，或可有慰君之報告耳。」以狀測之，宋君之傷勢沉重，前途正未知如何耳。噫。

●黃克強之探問

記者將離醫院時，適克強先生來問傷狀。因至宋先生病室，宋先生見黃先生，以手招之，而言曰：「如我死後，諸公總要往前做，並請克強先生報告袁總統，謂我已中槍云云。」言至此，黃先生即出。記者亦歸。其後情形，且俟續記，以餉讀者。

●痛苦中之不忘國事

宋先生於昨日受傷至醫院時，猶授意黃克強先生代擬致袁總統電文一通如下。北京袁大總統鑒：仁本夜乘滬甯車赴京，敬謁鈞座。十時四十五分在車站突被奸

人自背後施槍彈。由腰上部入腹下部。勢必至死。竊思仁自受教以來。即束身自愛。雖寡過之未獲。從未結怨於私人。清政不良。起任改革。亦重人道。守公理。不敢有一毫權利之見存。今國基未固。民福不增。遽爾撒手。死有濁恨。伏冀大總統開誠心布公道。竭力保障民權。俾國會得確定不拔之憲法。則雖死之日。猶生之年。臨死哀言。尚祈鑒納。宋教仁叩。

◎看護時之觀察

民立報社特派住院錫三有宋先生病床筆記如下。廿日夜二時。余方解衣欲睡。忽得館中函告。宋先生被狙擊。事囑往滬寧鐵路醫院照料。既至。悉先生已沉睡。乃坐談。至天明。看護言。先生已醒。似覺較前痛楚。余因入問。先生呼痛。殊甚。余扶起。看護者以玻璃瓶進。囑余扶先生小解。歷二十分鐘。始得出。顏色鮮紅。皆血液。厥後痛楚益甚。時以手執余衣。輒曰。吾不畏死。特苦痛耳。出生入死。吾慣習之。果醫者能止吾之痛。則死亦何怨。余慰先生再三。然其痛又急。乃復執余衣。微嘆曰。吾不料南北調

和之事乃若是之難。事如斯奈何奈何。忽復言曰：罷了罷了，惜兇手在逃，不知彼誤會者乃爲何許人。言畢看護者對余言：醫生將至。時正六時也。迨醫者來，余以狀態詳告之。醫者減察數過，旋以嗎啡針打入其左臂。先生乃漸沉睡。醫者告看護以十一時再來。臨行囑咐一切，越數十分鐘，客漸集，詢問病狀，惟醫生囑不許外人攔入。致擾先生腦力。右任英士克強相繼到院，約十時二十分左右，先生復醒，覺痛少減，惟屢吐宿食。及醫者來，細視一週，余以克強先生意譯告之，請多延醫者相與研究。於是格爾本醫士即召比林哈斯醫士至，相與考諭。遂告右任曰：須開割始有望。請從速決議。是時適克強已去，右任乃與同人商議。主開割者居多。於是告兩醫士。兩醫士又召捷克生摩亞兩醫士來院相助。少頃，克強先生接右任之電話，亦來院。英士旋亦至。醫士決定以二時開割。及時將先生移至二層樓割診室。時祇許以一人臨視。先以迷藥撲面，繼下刀，共兩下，約廣六英寸，取腸出，驗之，去血塊縫之。後解迷藥，至三時十五分竣事。據醫士言，似有希望云。

◎剖解時之情形

剖解時醫士僅許于君右任一人在旁審視剖解後並言此時尙無把握故不能具報告書僅就剖割情形略述如下槍彈取出後朱先生曾大小便一二次鮮紅如血且呼痛楚不止迨剖割時先薰迷藥繼用刀將腹與腰部間割開其創口約六英寸檢視大腸有一處爲槍彈洞破故腸中之飲食時溢出於腸外此爲其痛楚之原因其腸外之血亦隨破裂處闖入腸內此爲其大小便出血之原因醫生隨將腸臟修補將其中之血塊除去又縫其創口復將迷藥解去五時後聞宋先生頻頻呼痛雖醫生時以嗎啡針注射俾其神經略靜而猶宛轉反側眞令人目不忍觀八時許又得報告謂醫生檢查內部腰臟實受有傷亦有血出故其痛楚尤甚嗚呼慘矣

◎被刺之地點

先是宋先生與送行諸人同在接待議員室談話及開車時至拓魯生黃克強陳策由(乙)正門行走至(辛)點等候宋先生與廖仲凱由(乙)之偏門入買票室乃由

(子)點至(辛)點既至(辛)點五人乃並排行一拓二黃三陳四宋五廖克強後面尚有一茶房跟隨惟五人雖並行而宋先生之身則稍後半步許走至(寅)點凶手從(丑)點所放之第一槍已響但其聲甚微故同人方驚皇四望宋先生已由(寅)點走至(申)點靠住鐵椅稍爲一靠急向(巳)點剪票處是時于右任與吳鐵臣在(戌)點之月台上談話聞聲知變作乃急向(巳)點剪票處奔適與宋先生遇宋先生呼曰我已中槍矣其時凶手見第一槍已中乃側身由(丑)點向(未)點逃走故嚇人之第二彈落於(卯)點第三彈落於(午)點然者觀察至(未)點處頗滋疑竇蓋此處是鐵欄雖茶點處之傍有一小門乃公司內之門並非普通出入之門何以凶手奔逃之至此而其迹遂杳耶

●附圖于後

前 面 之 鐵 欄

各機房招徠客處

水菓攤

(庚)

(戌)

此巨與胡在
在鐵台

(癸) 柱之傍安
公用鐵椅一

右面第一鐵柱

(卯) 第二
彈落處
(壬) 鐵柱
右面第一
後安有
公用銅
壺一座

(辰) 左面第
一鐵柱

(巳) 左面第
二鐵柱

此面電燈泡子火
光線足故看清
楚

(寅) 宋先生
受傷處

由手凶

(丑) 地在此

拓黃陳宋
魯克漁仲廖
生強策父凱

此鐵網
門向分
左右間
是夜開
的左面

(午) 逃而面側此
彈第三
落處

(辛) 五步
之遙

(未)

頭等客房及茶點處
(丙)

接待團會議員處
(乙)

售票室
(甲)

辦公室
(丁)

◎宋先生之家屬

嗚呼宋先生於中傷後曾撫于君右任而言曰（家有老母如我死後請克強與諸故人爲我照料）讀者於此亦可揣測宋先生之家境矣宋先生今年僅三十有二家有老母年七十餘矣宋先生於光復前出亡在外歸省時少此次宋先生由北京省親回湘又以南北函電促先生東行臨歧時先生老母堅持不放先生行先生猶慰藉曰此行不久即歸家門老母猶哭不止嗚呼孰意先生此時即與其白髮慈母永訣時耶先生哀耗若使其母聞者將作何悲慘狀乎先生有一兄即因先生鼓吹革命於前清時爲惡吏捕之獄庾死於獄中今其寡嫂猶在也尙有一堂兄不問生產事亦倚先生爲生其一家伶苦狀已足令人椎心不止而尤有不堪其悲痛者則先生夫人李氏侍老母在湘胞妹一人下有一子一女子僅十二齡女則十四仰事俯育皆維先生是賴而先生竟撒手長辭客死數千里外吾人稍有人心者其對此數人孤獨作如何之感念耶

◎各方面之輿論

宋先生被刺後上海全市爲之震駭羣情憤慨午前午後奔至滬甯鐵路醫院問訊者踵趾相接共約四五百人蹀躞樓下客室無不現一種憂慮之色此皆與宋先生素相過從者也此外識與不識聞此噩耗亦無不爲之扼腕而對於此事之平論則無不以刺客爲受人指使而來灼然共見其議論中約略可分爲數派有一派謂發生於黨爭者國民黨於議院既占優勝又主張政黨內閣權利關係遂有他黨生出齟齬之感想致產出此凶殘之手段者有一派謂議員有定昨晚北行者因宋先生被刺立即至車站船埠取回其行李視宋先生傷勢如何以確定其趣旨者有一派謂此係宗社黨所指使者又有一派謂此意外事與總統問題極有關係者又有一派謂宋先生係極有力之政治家其北行之職志在調和南北反對黨之加害宋先生者正以害民國自此南北統一之希望益陷於渺茫之境矣又有一派謂國民黨失一宋教仁將有百宋教仁出前仆後起以從事於建設事業經此一打擊國民黨

或可益加振作且打消其從前之暮氣云云

●法律上之檢查

地方檢察廳於昨日下午二時始得信即以人至車站檢查同行者爲檢察官危道濟錄事陶仲牧法醫王長春三人至站後即與華站長袁某共同調查其考察所得有數點(一)凶手行刺時距離被刺者僅數步必其面目無多人認識(二)以素不相識之人行此極殘忍之事必非宿怨私仇(三)刺客一槍後即匍匐於地再左右連放兩槍以拒捕者必係行刺之老手(四)就行刺時情形刺客舉止甚是從容其旁必尙有同黨(五)刺客行刺後尙携其手槍以逃不畏累贅必其附近有機關部或接應之人以上數點勘察可決其爲人買通行刺故就其性質而論破案獲兇或非難事也又問袁站長當時是否有巡警在袁答云事出後即通電話至閘北警局乃該局答稱非其權力所及繼又通電至總巡捕房至二十分鐘後曾派包探至站

●午前之病况

二十二日午前四時宋先生病勢極險兩手熱度漸低目睛亦有仰翻之勢惟神識極清故希望猶未盡絕據看護婦言醫生已竭其能力爲之惟宋先生似久經營瘁內部稍弱如能支持至天明以後當大有望云云宋先生本部職務則昨已託陳英士君暫行攝代矣

●彌留時之慘狀

前日夜間十時許宋先生在醫院時尙有醫生來視猶言或有轉機之望記者等方私相慶幸詎十二時許醫生二人復來互相討論中有勢極危險之語又謂恐其腎部受傷流血過多已露無可奈何之狀至三時後漸見宋先生目睛有望上仰翻之象周身熱度漸低手足已冰急請醫生至則注視良久謂恐已無救嗚呼宋先生於十二時頃曾與劉君白言（我所欲言已盡與右任言矣吾死後請與右任商之）云至此劉君猶伏枕問其有遺屬否宋先生微言（二一時內我將死矣尙復何言）時其故人均先後聞警至先生已不能語尙以目四矚周視故人其兩手忽作合十形

忽迴抱其胸際。若有無數欲言者在。又或觸念其老母。作此依依不捨之形。又現一種不適之態。克強以首接近其面。附耳呼曰：（鈍初你放心去罷）時在旁多人皆欲哭。無淚含悲對之。其慘痛情形。無言可狀。嗚呼宋先生氣絕而猶直視不瞑也。在側者以手撫之。使瞑稍頃。又睜如是者數次。至午間十二時許。已臨殮矣。其目始瞑。英士在旁哭尤慟。頻呼（此事真不甘心）其餘諸人皆哭失聲。及見宋先生之殘殍者。爲克強英士右任。溧仙覺生錫三曾鏞十餘人。及其書記劉君白也。

◎含殮前之攝影

照像時兩日常開雙拳緊握。後經看護施以手法。目始閉。攝影凡二種：（一）赤身傷痕共照二次。每次移易機器。迎取光線故也。（二）禮服照二次。穿衣時又頻睜其兩目。迨穿衣畢。始照像。照像穿衣時。除看役人外。有覺生鴻仙劉白三人在側。初克強言俟穿外衣後再行攝影。以符宋君之光明正大。後鴻仙言宋君遭此慘劫。不可不留歷史上哀慟紀念。覺生贊成。遂赤上身。露傷痕。拍一照。攝影畢。至三時半。含殮多。

人環泣。宋君口鼻忽流出。夜間所服藥汁。繼以鮮血。經看護婦拭淨。仍不止。將頭抬高片時始止。

◎視含者之悲慟

宋先生本在滬甯鐵路醫院三層樓上。時靈柩已由英士在外間購來。停放最下層。略大之一室。二時許。宋先生之故舊畢集。三時三十分。送含者親將昇床。自三層樓拾下。衣衾棺槨皆用中國舊式。棺楠木五寸。附體紅緞。平金衾衣。宋先生靈體下樓後。由服役者將衾穿服。竣事遂入棺。含殮視含者環立。四周哭聲震宇。黃克強于右任尤慟。沈縵雲於含前。數分鐘由車站趕到。國民黨交通部職員全體俱在此。此外尚有鍾文耀、伍廷芳、趙鳳昌亦均會殮。皆哭失聲。女士來者爲張昭漢、楊季威、陳鴻璧、舒蕙楨。以花球置靈牀。尙有日本人北輝次郎等四五人。皆泣不可仰。四點半。蓋棺一時。弔客撫棺大慟。夏紹筌、葉惠鈞二君又於哭泣中爲簡單之演說。頓足椎胸。人心大憤。均大呼（人人擔任緝兇）及後。又有日本人宮崎滔天亦踵至靈牀前。已設

位遂向宋先生鞠躬五時後始散民立報社駐醫院錫三及劉君白均留院護守靈輜

●檢驗報告

廿二日午後一時後上海地方檢察官王言綸同錄事黃君譯員蔣君及檢驗吏前至醫院又王長春君等亦繼至驗視一週又赴西醫克爾品處取醫生之傷証書一通譯錄如下驗傷證書譯文余與宋教仁君初次晤面在上海滙甯車站醫院中時在三月二十號晚間十一點十五分見宋君所穿衣服渾是血污乃由於受一極重槍傷槍彈所經過者係從腰部脊骨之左洞穿腰背余檢其受傷處乃在脊骨並右腹之前部當用解剖法治之將前腹部稍稍剖開檢出槍彈時余及其友人均在一室之中次晨宋君之傷狀據余所見其他醫生均以爲十分危險因其肚腹及腸均已損壞除非將腸上之洞補全恐將不治况伊小便血液不止更爲最危險之事至三月二十一號下午二時余往覆治將伊腸上之洞縫好然宋君仍復呼痛不絕漸

即身死時在三月二十二號黎明五時總之宋君身體素來強健過人可決其別無他病確係因受槍彈傷及小腹及大腸而死又驗視所中之槍彈乃由後面平側經過腰際方達腹部此種槍彈乃係極新式之手槍所發者此驗傷證書係給與閩北檢察廳 醫生克爾品具

●各方面之緝捕兇手

○賞格一 黃克強陳英士二先生函致總巡捕房卜總巡云啓者茲有良友宋教仁君於念號午後十時四十五分在滬甯車站被奸人槍傷今晨四時四十五分去世此案發現雖在內地難保該兇手不藏匿租界應請執事嚴飭得力探捕加意偵緝如能拿獲正兇澈清全案准備賞銀一萬元以爲酬勞宋君爲民國要人執事亦熱心贊助民國想當允如所請也陳其美黃興同啓

○賞格二 閩北巡警局龔玉灰君來函云敬啟者宋鈍初先生通才碩望冠絕一時此番入都滿擬得假斧柯宏抒抱負謀國民之利福爲吾黨之光榮乃倉猝變

生挽回無術。雖被刺地點不在所屬。巡緝範圍。究屬防衛有疎。責無可諉。慟惜之下。歎仄殊深。該凶手戕我偉人。尤爲不法。已極業經通告。特懸賞洋一萬元。一面嚴飭所轄區隊。並函請上寶各官廳。英法兩公廨一體趕緊。緝一俟獲案定。即呈請都督從嚴懲治。以伸國法。而慰英魂。龔玉灰啟。

○賞格三 滬甯鐵路局亦出賞格云。本月二晚十時三刻。宋教仁先生在本路上海車站票房外。將及剪票柵欄之間。突被人向背後槍擊。越日斃命。殊屬凶惡。已極。當時鐵路巡警有四人。值班照料車客。二人在行李房內。照料北上職員行李。刺客乘間逸去。然法紀森嚴。豈容凶徒漏網。曾奉大總統電令。與地方官懸賞。拿究正。在逾辦誠恐。該凶聞風遠颺。本路特先行懸賞。購緝。如有探悉此案。真正凶犯姓名。住址。蹤跡。來局報信者。俟轉移拿案訊實後。賞洋五千元。儲款以待。決不食言。滬甯路局謹啓。

○地方檢察廳賞格

案於本月念號夜十時四十五分。前農林總長宋教仁由

滬擬附氣車赴京行至滬甯車站剪票處突被匪徒由背後暗殺連放手槍三響其第一槍擊中宋教仁右腰骨深入腹部兇犯乘隙逃逸追捕無蹤當經送行友人將宋教仁送入鐵路醫院醫治本廳聞悉立派檢察官危道濟率同錄事檢驗員先往滬甯車站勘明失事情形復至鐵路醫院驗視據醫生聲稱宋教仁所受槍彈由右腰骨深入腹中傷及大腸現已解剖將槍彈取出用藥縫補不便驗視等語詎宋教仁傷重延至念二號上午四時四十五分身故復經本廳委派檢察官危道濟率同錄事檢驗員前往醫院據醫生報稱委係因傷身死取有醫生證明書備案查上海年來屢出暗殺之案若不緝獲兇犯按律嚴懲何以寒匪胆而保治安除呈報並由廳派警偵緝暨咨營警令行各初級檢廳一體協緝此案逃兇務獲究辦外合亟出示曉諭爲此示仰各界人等一體遵照如果能將此案兇犯緝獲送案即由本廳給予厚賞知風報信因而拿獲者亦當酌量優給其各遵照毋違切切特示

◎縣知事之賞格

上海縣知事公署昨日發出布告云本月念三日奉江蘇都督程民政長應禡電開奉大總統電令接宋鈍初君電稱弔日乘滬甯夜車赴京十時四十五分在車站突被奸人自背後施放槍彈由腰部入腹下部等語車站爲衆目昭彰之地竟有凶徒敢行暗殺該管巡警所司何事人心險惡法紀何存瞻望前途曷勝憂憤仰該都督民政長交涉使縣知事暨鐵路總辦立懸重賞限期破獲按法重懲一面由該交涉使縣知事親蒞醫院慰問宋君切勸盡心調治以期速愈此令等因查此案昨得報告業經通電嚴緝茲奉前令亟應懸賞一萬元勒限十日通令緝凶務獲解辦等因同日又奉都督禡電內開查本日電傳宋君已因傷殞命該凶徒正身應責令該巡警長會同李旅長鍾總辦並該縣知事迅卽凜遵大總統命令設法密探限期破獲如凶手就縛當立予確賞洋一萬元其通風報信或充眼線因而拿獲者給洋五千元款由都督署給發速即徧張廣告並知照租界捕房傳知各包探人等爲要等因各奉此除錄電分別知照外合亟佈告闔邑人民一體知悉特此布告

◎奇怪之信件

宋先生未去世時滬甯鐵路醫院忽得一奇怪之郵信自本埠寄發者其信封信紙皆爲上等洋紙信內用紅色墨水書寫信封墨水則爲黑色皆以鋼筆書寫信外署名爲(鐵民自本支部發)信內全文如下

鈍初先生足下鄙人自湘而漢而滬一路歡送某君赴黃泉國大統領任昨夜正欲與某君握別贈以衛生丸數粒以作紀念不意誤贈與君實在對不起了雖然君從此亦得享千古之幸福了因某君尙未赴新任本會同人昨夜曾以鉅金運動選舉結果則君最占優勝每票全額五千元故同人等請君先行代理黃泉國大總統俟某君到任後自當推舉你任總理肅此恭祝榮禧並頌千古救國協會代表鐵民啟

按陳交涉使致袁總統電中已將此函所陳節要敘入惟以記者其意測之則有可見者數事 一足以證明此次暗殺純爲政治關係而與私怨無關 二此函是否

即行刺者所寄或係其同黨爲之雖難遽斷然必與凶犯有密切關係可見該凶犯異常膽大其布置亦異常整暇故能於行凶後之第二日發寄此種滑稽之函件三此案兇犯必不止一人或該兇手仍匿迹租界內外或行兇者已遠颺而其同黨故爲此以淆亂人心皆未可定然足見租界內外之警務實異常廢弛四至其函內(誤贈)云云則全係亂人耳目之計蓋綜觀行刺時情形並證以前此風說該兇手實全神覷定宋先生冀圖一逞且宋先生軀幹高碩在人羣中極易辨別昨日大陸報亦斷定其並非誤中該兇手故作此語或藉以恫嚇某君使勿復爲政治上之競爭此愈足以證明其暗殺目的之所在而實際上必非誤中不可被其瞞過五觀其所用信紙及墨水等生活程度必非低下之人總之此種函件實爲偵探好材料記至此物舉所見如此願與國人共研究之也再民立報同時亦接自署鐵民之函件語尤荒誕不具錄

◎宋先生殯儀之通告

宋先生淹逝後。國民黨交通部即印發通告。定念三日由醫院扶靈柩暫殯於湖南會館。隨即照會租界捕房指定路由。及規定會殯者之秩序如下。(甲)路由由醫院出發。走北四川路。蓬路北河南路。河南路四馬路。廣西路。六馬路。福建路。浙江路。三洋涇橋。至法界鄭家木橋。寧波會館。西門斜橋。抵湖南會館。(乙)行列先後執旗前導。次軍樂隊。次遺像。花亭。次靈位。雙馬車。次軍樂隊。次花圈。次軍隊。黨員執紼。中靈柩。次軍樂隊。最後來賓。(丙)送殯者順序。(一)黨員於今日(二十二日)午後二時先至大馬路本黨交通部領取黃花一朵。懸於胸前。素紗一段。纏於左腕。(如不及領取者自備亦可)。(二)黨員領取黃花素緞後。齊至醫院扶柩。整列執紼。(三)黨員執紼沿途須靜謐無譁。(四)扶柩至湖南會館安定後。齊向宋先生靈前行三鞠躬禮。(五)各自散列。以上五則爲一時整飭順序。起見。務希我黨員一律遵守。其有欲致弔唁或送哀輓之文旌者。均請候定期開追悼大會時再爲通告。

● 悽風慘雨大殯儀

念三日午後十二時許滬甯鐵路醫院門前送殯者已達數百人擁擠異常三時正即請宋先生靈櫬登輿其時賓客及商團軍隊至醫院者達三千人其儀從及途次情形如下(甲)行列(一)旗幟前導(二)軍隊(三)遺像作花亭式(四)靈位用油壁雙馬車四周頂上紮花彩(五)軍隊海軍細樂(六)花圈(七)軍隊(八)黨員及送殯來賓步行執紼約千五百人(九)靈輻(十)又爲送殯者步行護送(十一)軍隊(十二)爲賓客乘車者隨行約二百餘輛然皆爲空車蓋是日午後雖天雨而來賓均在靈輻前後步行相隨也(乙)路祭殯隊出醫院由北四川路蓬路折至河南路復繞道福州浙江松江等路而至三洋涇橋至過民立報門首行隊暫止其館就途中設祭行禮後于君右任痛哭述先生盡力於民立報者今日不敢爲私交哭不敢爲民立報哭實爲中華民國前途痛哭同人皆哭失聲護靈之商團員皆痛哭道旁觀者亦有爲之泣下者于君匍匐於地泣不可仰由同行者扶起仍隨宋先生靈櫬行祭畢仍前進至鄭家木橋折而南直達斜橋(丙)軍隊商團同行者

有各商團在靈柩由左右哀戚甚至抵京江公所時爲租界之盡處我南市之巡警隊商團馬隊皆整列吹號護送軍樂之聲節節相和每段有巡警兵荷槍隨行故昨日之殯儀中軍隊之多爲從前所未有而送殯者之哀戚又爲上海所未見也（丁）道路觀者之擁擠自醫院至斜橋其間十餘里中所經之地旁觀者皆側立十餘層排積如山執紼者引昇前導竭力分讓猶不易前進而靜穆無譁惟聞愴歎之音令人悽絕欲泣送殯者除黨員外有伍廷芳等名人有外國人以日本朝鮮佔多數有女子有學生皆徒步走送上海數十年來時見出殯者而弔客之多秩序之整觀者之擠則我宋先生之殯儀殆空前之盛舉也

◎抵會館時之悲風

宋先生靈輿至湖南會館仍按行列先後次第入館館門素彩大廳亦白燈彩時黃克強陳英士諸先生已先在是日會送者前後共三千餘人至此以次行禮恒十餘人爲一列自抵館時約五時三十分至六時三十分天色已暝而行禮者尙絡繹不

絕女界到者二十餘人外國人則日本人佔多數有同文書院學生一隊前來行禮朝鮮人申君樾尤含慘萬狀此外如伍廷芳趙鳳昌諸君亦俱至會館前後廳聚數千人而靜肅之致令人益增其悲慘矣尤可敬者則是日醫院直至會館其間途經約十餘里道旁觀者男婦老幼萬頭攢動所過無隙地而所聞者盡爲悲慘歎息之聲觀宋先生遺像者無不肅然起敬無敢以手指者嗚呼此亦可以見人心矣

◎殯殮時之追述

補紀宋先生臨終時情形二十一日夜七時猶聞醫生言先生之內腎尙流血恐有變言時頗嚴重余因以電話告克強先生旋右任英士鴻仙三君偕至坐待至十時三十分始行余自聞醫生言頗作戒備稍假寐至一時許聞劉白君言先生手漸冷余急入侍覺先生之雙眼亦漸向上乃問看護看護言恐漸沉劉君問先生痛否先生答曰不痛及二時三十分余見先生手作摸索狀雙眼益反白知爲變象遂一面囑看護喚起醫生一面分傳電話至克強英士右任三君處先生時已氣喘不省人

事及克強右任英士三君至氣更上湧有出無入克強先生泣不出聲連呼遜初遜初至四時二十五分看護謂室內空氣少故氣喘延長因急啓窗不一時氣漸順然卒無效至四時四十八分遂絕命嗚呼

◎凶手就縛

自宋先生被刺後各界皆極注意於緝兇一事至前日晚十二時三十分湖北路迎春坊三弄妓女李桂玉家大開筵宴正興高彩烈之時突有英捕房總巡卜君及多數探夥排闥直入獲一應夔丞以去昨日又在應家獲一武士英此大快人心之事也按宋先生被刺次日已有確切報告於國民黨謂武士英所爲又各方面偵查知與應有關故宋先生臨終之際彌留未絕于君在旁大呼（遜初此事凶手已十分之八可以破案）而宋先生亦遂氣絕矣茲將緝兇情形詳紀如下

◎英捕房之訊鞫

宋鈍初先生昨日出殯後人心尤憤無不負緝凶責任前晚由國民黨某君偕售賣

古董字畫之河南人王阿法向卜總巡報稱一星期前因售字畫至小西門外應桂馨處應出一照片云謀辦照上之人如能辦到愿酬洋一千元我因無此能力未曾允許當將照片交還今見各報所登宋教仁之照似如所看之照片相同特來報告卜總巡乃親率五十號西探頭目安姆斯脫郎協同一百三十六號西探等至迎春處李妓處將應拘獲帶回收押昨值公共堂西節停訊之期祇以案情重大故由卜總巡稟請英副領事翰壘德君於午後二時半蒞廨會同襄讞聶榕卿君特開特別公堂研訊先由捕房代表侃克律師上堂譯述見證王阿法自投捕房報告情形並稱尚有法捕房在被告應桂馨家內拘獲武士英一名業已供認殊與被告大有關繫詰畢即令見證王阿法上堂由侃律師詰據供稱寓居打狗橋售賣古董字畫度日凶兜售字畫曾往應桂馨處二次大約在一禮拜之前在伊處時伊取出照片一張據云欲辦此人如能辦到願酬洋一千元我未允當將照片交還照片究係何人我不認識照片上亦未書明姓名至被暗殺之宋教仁我亦不認識昨日始在報

上看見所印照片供至此侃律師問詰問報上所印照片與應桂馨與爾所看之照片是否相像王供稱約略相似侃律師復詰稱爾既至應處二次伊與照片爾看欲辦照上之人是否第一次去或是第二次王稱在第二次此後我即未曾去過訊至此堂上即令應桂馨向王阿法盤詰應遵諭向王詰稱爾至我處兜售字畫第一次究在何時第二次與第一次相隔幾天王答稱第一次約有十天第二次距離第一次大約三天應復稱爾來兜售之字畫是何種字畫畫係何人手筆所畫抑是山水還是人物抑是松竹王答稱所售乃係手卷爲仇英石所繪乃係山水亦有松竹應即向堂上聲稱請堂上注意仇英石乃中國畫家名人然所畫祇人物從無山水至松竹更非所長今王所供如是請爲注意旋復向王詰稱此畫爾從何處得來王答稱從在東清鐵路之覺魯生處得來應又向堂上聲稱東清鐵路乃拓魯生今王所供姓名不清應請堂上注意又向王詰稱謂爾第二次至我處所說甚話王答稱第二次至你處因你不在沒有會面以後亦未曾晤應即向堂上聲稱頃間捕房

律師向詰時云第二次至我處伊看照片欲辦一人云伊云第二次至我處未曾會面此種供詞應請堂上注意並請將頃間捕房向王所問供詞宣讀我亦無別語向王請問供畢聶囊讞即向王阿法詰稱爾與被告何時認識被告與爾看照片欲謀一人究在何時是否即係兜售手卷之日王供與被告在一月前由友人前在漢口爲洋行買辦之吳乃文介紹始與相識與我看照祇說明辦一人並未言明謀殺大約離今日已有半月即係兜售手卷之日堂上即飭令退去復據安姆脫郎上堂稟述王在巡捕報告後先至小西門外二百二十八號門牌被告家中繼復設法得將被告拘入捕房情形聶囊讞核供以王前後所供情節畧有不符合且尙有見證未齊因即商之英領翰君判應帶回捕房候查明下禮拜一傳齊見證再訊王阿法著交保候質

●偵探時之線索

就吾人偵探得兩線索(一)爲獲應之張本(二)爲獲武之張本先是有同寓於寶

善街鹿野旅館者。武士英以售花瓶爲名。亦寓於此。旅客見其舉止可疑。且宋先生被刺後。武某翌晨即算清旅費。乘黃包車至西門去。某君以事適巧。合即報告於國民黨。國民黨得此信息。證以兇手身裁短小。精悍。遂知已有頭緒。乃分道偵緝。此爲一線索。又一線索。爲鄧某與王某。平日談話。鄧爲張君之僕。曾爲其主人言此之真相。張君以告於國民黨。因而得之者。初鄧某有友王某者。以賣字畫爲生。營至應家。一日。應夔丞（即桂馨）謂王某曰。吾欲殺一人。汝能爲之否。王曰。不能。應又曰。汝爲河南人。汝同鄉中必有能手。可爲尋覓。王曰。是或可謀。惟欲殺者。究爲何人。應乃以商務印書館所印宋先生小照之明信片。剪去四周。以示王某。曰。此人王某亦不識。歸乃商之鄧某。鄧初在東三省。曾爲馬賊。力能敵數十人。鄧允之。王某乃引鄧至應夔丞家。適應他出。未晤。面至晚。鄧見王某。悔前諾。謂吾客處他鄉。且不知其所欲殺者何人。吾安能無故殺人以召罪戾。王亦不能尋人。却應此中談話。適爲鄧某之主人張君所聞。故爾洩漏也。

◎偵探時之經過

此次破獲凶犯爲時甚速。穩自宋先生被刺之次日（二十一日）五馬路鹿野旅館即發現極可疑之旅客十四號室中有山西人武士英自稱爲滇省之管帶但其生計極蕭索時出向上海名人乞募川資顧面目極凶惡身材短小二十日午前忽有一馮姓及其餘三四人來與之作附耳語此姓馮者自稱光復軍二營營長繼調查係當過光復軍軍需長此數人來後武士英即有喜色其時住其鄰室者爲某客武即向借車資某因其日夕相見也不能却與之小洋一角武云不夠將至西門路甚遠也某遂與以小洋三角晚八時許武即回棧則已易新鮮西裝急尋某出手中鈔票示之約數十元曰我今已有錢隨取出一元還某某驚曰何必許多武即答曰我事成尙有千元語畢即出門去同棧者方怪其有神經病及次日宋先生被刺信傳播而同居者乃注意其人急詢此人行蹤則知二十夜並未回棧並二十一日之早七時許曾來棧結付店賬提其破碎皮夾忽忽去矣此一極可疑之旅客不謂昨日

乃於應桂馨家獲之。嘻，異矣。

◎妓寮之緝獲

先是國民黨特派員某君出外偵察，知應夔丞近常在妓女胡翡翠家吸食鴉片，乃由總巡率領巡捕多名至其處，先向胡翡翠家詢問，胡謂應未到該處。現在迎春坊三弄李桂玉家吃酒，係蔡爾卿所請者，密訪不誣，乃復由總巡領巡捕至迎春坊，將該四弄弄口俱派人把守，以防逃竄。國民黨特派員入內上樓，問應君夔丞在座否，應答曰：我在某君曰樓下，有人與君會話，應乃忽忽隨某君下樓，至門首，即被捕。總巡曰：去去，去應，面色已如死灰矣。

◎行兇犯之投網

應夔丞家既抄，凡來訪者皆被拘留，派巡捕多人與其眷屬異室看守，來客中逐一審認，見有一短身著新服者，乃特別注意，疑爲真兇。一面派人至滬寧車站覓得當時曾見兇手面目者一人，至及寓鹿野旅館者，帶至應家，認明短身者果爲手刺先

生之兇手乃捕之。此凶手姓武名士英字玉生山西人毫無知識其刺宋先生也得酬一千元應與以照片使之刺宋先生武貪財爲之究亦不知宋爲何許人武就捕後一一供認不諱親自簽字武在鹿野旅館所托賣之花瓶亦發現於應夔丞家武之所以就捕者以同妓女胡翡翠至應家雙雙送信遂不能走脫胡翡翠亦被拘留殆亦宋先生在天之英靈有以使凶犯投網乎

◎英總巡之協緝

國民黨得此兩種報告派員於前晚十二時令鄧引王某至鄧之寓所迫王某登車送至富利公司由某洋行大班覓得包探頭目二人在旁脅王某說出原委蓋是時鄧某尙疑爲王某所爲雖一至應家然並不知其名姓斯時王某乃說出應夔丞曾令其覓人並未允所請此次實未與聞國F黨某君乃取出照片多張令王辨認孰爲應某所欲殺者王乃指出宋先生之照片衆知決非虛謬乃偕告卜總巡要求其捕獲兇手總巡初尙不允後因證據已確鑿總巡始允捕人率探捕與國民黨員某

君同往。

◎應夔丞之歷史

共進會會長應桂馨前在滬開設祥園烟館與淫伶李春來開桂仙戲園嗣與范高頭聯絡一起范敗應不能居滬遂遁至蘇州捐一候補縣得朱瞎子提攜富一釐金差使又因贓敗不容於蘇後遁河南改省候補再被參革回至上海當廣州之役後在歌舞台編演廣州血新劇武昌起義應在滬四處偵探報告事件於同盟會人因是上海都督府成立而應得爲諜報科長後聲名狼藉知爲陳英士君所覺南京政府成立遂至甯自居爲衛隊司令後陳君致函中山謂此人殊不可靠遂令至下關兵站後又撤差自此與新黨日離日遠乃又回滬走杭組織共進會聯絡青紅幫往來滬漢之間湖北兵閥應亦在內爲黎所覺將殺之程德全電保並電北京謂應聯絡青紅幫有功遂獲赦免並有立功贖罪之語後不知如何運動爲湖北偵探隊長又忽有江蘇巡查長之名目前兩月曾至北京一次昨日被獲前曾對人言將去南

京行李已收拾停妥。其家住拱宸門外文元坊。尙有老父名聞生。人極忠厚。不謂有此不肖子。去年父因應在外招搖。已遷回寧波鄉間。

●武士英之歷史

武士英爲山西平陽龍門人。其名刺姓名下注玉生二字。其號也。後有（滇南七十四標二營管帶代理本標標統）十六字。至滬約在兩月以前。有一妻名王達珊。金壇人。王父住南京達珊。舊爲南京粹敏女學生。曾留學日本師範。不知何時爲此人騙去。武近住六野旅館。嘗對人言管帶標統實係真官。至今有我部下在城內賣拳。見我猶甚恭敬也。武時來往於青島及南京蘇州上海之間。此次在滬曾至某君家。借錢二次。自言有友人在滬。則設一會。招之使來者。今會散。故生計極難。不得過去也。云云。

●凶犯家之查抄

應就擒後。先押至捕房。一夜天明。後押應夔丞至其家。查抄應家住新北門外文元

坊門。自有一長而大之牌。上書江蘇巡查長公署數字。餘一牌爲中華民國共進會機關部蓋應。亦爲共進會會長共進會則從前之哥老會取改組者也。既至應家分派巡捕多人先行把守。入內檢查有二室最爲緊要。查出公文信件甚多。只將信面略閱一遍。至其中作何語則未及細閱。由法總巡封完。担負保存責任。尙有一鐵箱未啓。其鑰匙存法總巡處。

◎宋遜初先生哀辭

(康寶忠)

民國紀元二年春三月庚子夕。宋鈍初先生遇賊於上海滬甯車站。遂以越日壬寅。薨奔哭者數百人。先生盡瘁國事者十歲。民國肇基。多所規畫。南北統一厥功尤偉。方今國步艱難。相賴孔長。迺天不厭亂。弗福諸夏。恣彼凶德。殄我良士。嗚呼哀音。方播天地。寡色避邇。人庶莫不惻歎。資維先生。嘉言懿行。久在人間。當俟國歲纂集。永光九域。不勞鄙賤。爲之宣廣。譔就私交所及。聞見所得者。述其崖略。嗚呼。吾自寫其哀衷。或亦增同情者之慟乎。乙巳之秋。孫中山先生來日本。與遜初及黃(克強)陳

(星台)諸子組織中國同盟會。忠亦得隨諸君後。始識遜初。繼而取締學生規則事起。胡經武爲各校聯合會代表。忠與遜初皆司書記。始日相過從。未幾楊篤生亦來日本。互論時事。輒復中宵。是時星台旣死。克強亦去日本。忠踪跡較密者。經武而外。則篤生遜初也。遜初居恒相語。謂慄忽敢死者易得。條理縝密之士蓋寡。非先植其基。雖滿洲傾覆。猶足爲憂。當時同志。僉以逐滿帝爲急。或未審遜初言。獨篤生極稱許。時以政治人才。勗同黨。未幾篤生反國。遜初乃與孫少侯及忠謀。於同盟會本部中。結一政社。爲研究治術之中堅。條分建設諸事。各任其一。日曜相聚。互爲討論。四川董修武。董鴻詩。湖北匡一。皆隸焉。每有辨議。獨遜初能本末悉舉。衆咸悅懌。時當丙午夏日。討論之地。多在江島及新宿宿之十二神社。烏乎。今在東京過其地者。當亦爲遜初一憑吊也。旣忠及少侯先後歸國。遂暫中止。丁未春夏。實行之聲。誼遍南服。旣而皆敗。及忠再走日本。同人以事不就。咸輒憤慨。獨遜初謂清滿胞弱。終易破壞。而言治者。今猶無聞。吾黨不得辭其責。又謂積學之士。雖無益於破壞。然效用後

日正未可已。乃屬意才智。苟有一長。雖在異黨。亦復謙挹結納。故遜初獨能知屢年留學者賢否。此共和黨民主黨人均能言之者。烏乎。遜初之才之量。足以涵蓋群類。竊僅爲吾黨之秀。憶戊申春間。張溥泉來勸忠主持民報。忠方思稍治實學。冀爲日後一得之效。諸友皆不謂然。獨遜初謂能積學亦善。可不相強。烏乎。忠今日之微識。猶遜初斯語所賜。撫念疇昔。哀何可言。已酉秋。忠將歸國。走辭遜初。遜初握手相告曰。忍耐乃可成事。行矣。自愛。自後至南京政府成立。始再與鈍初相見。壬子夏。在北京與遜初論近今政黨。忠適叢衆。詬雖奮好。亦相疑。遜初以危行言孫相戒勉。烏乎。總維平生。以放言致疚者屢。自今以往。尙有能相戒者乎。日前鈍初來滬。復出其政見屬爲商榷。諄諄以統一爲前提。主張聯邦諸說者。或不直鈍初之議。反之者。又譏鈍初爲調停。烏乎。鈍初外觀時憂。內察黨勢。發言非易。具有深心。竊敢料並世者。鮮能知鈍初之苦心。此良可痛哭者也。方冀鈍初之議。見諸實事。禹城前途。庶其有豸。詎知慘禍橫來。齎志長沒。百身莫贖。銜痛何窮。鈍初生爲哲士。沒爲明神。忘身殉國。

寧有遺恨而國基初奠上下未寧崇官方建棟樑遽崩烏乎天地不仁先民靈渺降
大凶於邦國乃至斯極顧痛逝者行自念也方今衆論紛陳歧說相勝失此巨子爲
之繩墨黨見難泯競爭更盛殺機已開後患莫測不幸而閱牆禍作同族相殘嗟乎
遯初其能瞑目烏乎邦人君子豈弟多智苟念我良士痛其遭逢則宜一乃心力孟
晉以從上扶邦國下厲素行九土重光五族咸寧鈍初之靈當亦含笑九天永右民
國若猶是意氣相乘陰賊相殘行見炎黃之胄降比輿僮鈍初有靈不來食矣哀哉

◎西儒哀悼宋先生

(李佳白著)

宋先生教仁革民黨之巨子也數年以來謀所以傾覆滿洲專制政體奔走經營不
遺餘力生平所主張者與孫中山先生相同特和平主義不以流血爲目的爲人富
有思想慎於處己具大志而有遠慮於法政之學既極淵博而又具有特卓之政見
先生於所抱之政見自信力極富且度量寬大對於持異議者亦能休休有容嘗於
十日前在尙賢堂演說發揮民主政體之精義議論宏偉令人驚服先生與袁總統

所抱之政見不同。然以爲此次大選舉總統一職。非推舉袁總統。不可。先生嘗謂政府施行之政策。宜開誠布公。人人得自由討論。本此理由。故先生嘗思於憲政討論會中有所發表。不幸天禍中國。無識者不知自由之真理。謂先生抱其個人獨有之政見也。遽暗殺之。不亦悲夫。先生之爲人。不獨和藹可親。抑且英明可敬。實國民黨至有能力之人物也。其所抱之宗旨。愛國之熱誠。有以激之。所爲之事業。亦大有利於中國。今乃以理想過高。致遭奸人之毒手。良足悲矣。

◎西報評宋先生之被刺

(譯二十三日字林西報)

嗟乎世間至可痛恨。至堪惋惜之事。殆無過於本月二十之夜。滬甯車站宋先生教仁之被刺。此事究從何處發生。言人人殊。疑團莫釋。讀自署鐵民致宋先生之書。則此次陰謀。意果在宋先生。歟。抑竟如書中云云。意果別有所在。誤中宋先生歟。惟吾人有一事可斷言者。謂此事爲政治上之罪犯。雖尙無斷定之理由。而在此案未揭破之時。則不能不疑及於此。夫先生不獨恂恂儒雅。生平無私仇。且調和南北。維持

秩序厥功甚偉。中國今日如宋先生者，實爲不可少之人物。讀其臨終數語，心不忘國，尤足以徵其愛國之熱誠。孫袁兩派對於先生，感情均極融洽。故先生之赴京，不獨爲袁總統之特召，且爲孫中山先生之代表。故先生之死，不啻中國折一棟樑。縱或兇徒有擒獲之機，亦已百身莫贖矣。

◎宋先生哀電彙錄

▲黃克強先生通電 北京民主報仇蘊存兄鑒：疊接都中諸友來電，殷殷垂問。宋鈍初先生受傷情狀，刻值治喪忙迫，未及一一擬答，殊深歉仄。茲特詳述於下：乞登報章，以慰哀感。鈍兄於念夜十時四十五分由滬赴京，在車站被奸人由背後施槍彈，由右脊腰上部掠腎臟，穿大腸，直透下腹皮層，停止當即送入附近鐵道醫院療治。此時鈍兄傷雖重而精神如常，然自知必死，即口授致大總統電文，並述對將來之政見。一一告別同志，絕不提及家事。惟云老母年高，不可使知變狀。十二時三十分，即將子彈取出。念一日午後二時，復集醫士五人剖治，又將腸傷縫補。滌盡遺出

食物及汚血仍合其口此後神思雖困倦然腦筋尙明晰猶不能不作萬一僥倖之想乃今晨四時四十七分氣出不已口呼我調和南北之苦心世人不諒死不瞑目矣竟爾絕命嗚呼當此國勢漂搖之際而有如此奸徒不顧大局戕賊人道行此暗殺手段痛何如之想諸君當亦同聲一哭也凶徒正在密探尙未緝獲謹此訃聞黃輿養

▲袁總統來電 程都督應民政長陳交涉使縣知事滬甯鐵路鍾總辦接宋鈍初君電稱得日乘滬甯夜車赴京十時四十五分在車站突被奸人自背後施槍彈由右腰上部入腹下部等語車站爲諸目昭彰之地竟有凶徒敢行暗殺該管巡警所司何事人心險惡法紀何存瞻望前途曷勝憂憤仰該都督民政長交涉使縣知事暨鐵路總辦立懸重賞限期破獲按法重懲一面由該交涉使縣知事親蒞醫院慰問宋君切勸靜心調治以期速愈此令大總統個

▲交涉使上袁總統電 北京大總統鈞鑒個電養奉悉宋君教仁寅故已往唁並

商鍾文耀懸賞緝兇催縣知事會警購拿昨晚十時醫院收到致宋郵信署救國協會鐵民稱自湘漢至滬意在甘心某誤中宋道歉忱等語謹聞陳貽範養

▲程都督應民政長來電 縣知事英法公廨委員南北市警局長覽頃據翼局長電二十夜黃克強宋教仁兩先生趁夜車赴寧在車站內宋被人連放三槍中及要害已送醫院救治等語滬上暗殺之案迭見茲事關係尤鉅不速嚴索竄究治安何保法紀何存應一體嚴督探警偵緝務期必獲無稍延縱並先調查當時遇險情形報告程德全應德閔個

▲上海縣吳知事去電 南京都督民政長鈞鑒昨夜十點餘鐘宋先生教仁趁火車赴寧甫至站內剪票處突被人槍傷腰際當送鐵路醫院施治取出槍彈頃詢知傷勢尙平善除一體嚴密緝拿兇犯外謹聞上海縣知事吳馨叩個

▲閩北巡警局呈文 本月二十日夜十點二十一分鐘時宋鈍初先生到滬寧車站擬趁夜車赴寧維持伊同送行黃克強諸君由車站出口處行至剪票處門口突

被着黑色軍衣之人連放三槍有一槍擊中腰部一時車客紛避送行之人注重護持宋先生不遑他顧鐵路巡警張皇失措惟站外馬路四區值差崗警蔘桂堂唐炳華鮑玉麟等一聞槍聲立即馳入站內實力緝拿不見蹤影該兇手早已乘間逃逸局長得悉趕赴車站履勘行兇地點該處確係鐵路巡警所管轄其時宋先生已由黃克強先生等護送赴鐵路醫院救治局長隨即前往探問傷勢沉重(中略)車站爲繁盛之地該兇手胆敢放槍傷人實屬凶橫藐法罪無可道伏查車站門內向由鐵路公司自設巡官長警分班彈壓担負一切責任車站門外係歸四區派警站巡看守馬路前因恐有疏忽曾與該公司商酌擬撥得力警偵各二人入內照料未經該公司應允不便實行而竟遣此重案除趕緊嚴拿凶犯免逃法網謹將大概情形先行電陳都督省長俯賜鑒核



民國三年四月出版

宋教仁被刺記

定價洋二角五分

分售處

各大書局

總發行所

普及書局

